

## Biografía di Donald Heronimo Pieters (Donny)

Donald Heronimo Pieters a nace na Corsou na aña 1929 na Otro Banda na un luga cu nan ta yama Zandjesteeg. E number di e cas si, e no ta corda. E no tin number artistico, pero su number di cariño semper ta Donny. Su tata yama Miguel Arcangel naci na Corsou tambe. Su mama ta Arubiano y e yama Franciskita Roos. E tempo ey ora di casamento, e homber ta keda cu su fam y e muhe tambe. Pero e tin entendi cu su welo ta di fam Tromp. Ta un hende di Noord, pero e no conoce. Loke a pasa ta, cu e a bay scol preparatorio (kleuterschool) na Corsou te cu su 5 aña. Despues nan a bin Aruba. E a keda bay Corsou cu frecuencia, pero nunca nan a bay biba bek na e isla ey. Su ruman mayo, a muri tempo cu e tabatin 6 luna, segun nan ta conte. Despues di dje, a sigui 13 ruman mas. Asina ta, cu e famia ta basta grandi. Algun ruman a fayece caba, pero a keda 7 ainda. Donny su prome matrimonio lo e kier a tene poco reserva. Pero despues di esey e a bolbe casa. Cu e prome casa e tin dos yiu, Marlon y Donald. Na 1988 e a bolbe casa, anto for di e matrimonio ey nan tin un yiu muhe. Su yiu muhe tin 33 aña. Su ultimo dos rumannan tambe ta musico. Roque ta guitarista y Elmer tambe ta guitarista y bahista. Actualmente e ta studia piano. Number di



## Segun Donny e bida artistico semper tin cosnan ta pasa den bida musical



Bueno, semper tin cos cu ta pasa den bida musical. Bo ta drumi laat anochi of marduga. Bo ta conoce hopi hende. Anto si bo no ta un homber cu mente un poco fuerte, bo por bay den mal direccion. Den sentido di uzo di tur cos cu tin riba mercado awor aki, por ehempel marihuana, cocaina etc.

## E bida artistico

**Lesnan a sigui te ora cu bo ta haya e nivel cu frère ta sinti cu bo por bay toca den un banda**

Tur cos a cuminsa cu e banda di frère. E fecha precies e no ta corda, pero e tempo cu nan tabata na scol, e frèrenan tabata busca hende pa toca den banda. Donny a hisa dede, anto e frère a bisa pa bin un atardi y el a dune un schuiftrombone. El a mustre 2 posicion. E por a bay cas cune anto weita kico e por saca riba dje. Donny a splica e frère

cu na cas ta un problema, pasobra e ta haci mucho desordo cu e cos ey. bay busca un trompet pe. Ma e tempo ey, e frèrenan ta siña bo e scala cu cifra: 1-2-3-4-5-6-7. Despues di esey frère Andrea a siña nan lesa y skirbi nota musical. Anto mi a haye buki di les pa despues frère pase un examen chikito. Lesnan a sigui te ora cu bo ta haya e nivel

cu e frère ta sinti cu bo por bay toca den un banda. E a bin join Caribbean Boys cu mi 18 pa 20 aña. Manera e a join Caribbean Boys, cu ta hopi tempo pasa, cu ayudo di Oscar Steba nan a bin siña lesa musica. Nan a perfeccion'e un poco, haciendo uzo di e mesun instrumentonan cu nan ahayafor di frère.

## Experiencia y dedicacion

E frèrenan no ta siña bo, ban bisa manera awor bo tin un Franklin Granadillo ta siña bo kico ta un 'kwart noot', siña bo conteo y con pa respira cu e cosnan ey. Nada di esey bo ta siña di e frèrenan. Bo ta haya e instrumento, anto wak con bo ta saca zonido y noot. Si bo saca noot e ta bisa bo cu si e ta bon of e ta malo. Semper Donny a keda cu e mal custumber cu ora e ta toca, mi no ta hala rosea na e manera corecto.

E parti semper cu Donny a tuma hopi dedicacion na dje ta e tono di e trompet. Bo ta haya un partitura pa bo toca, anto bo tin cu wak bon kico bo ta toca. Bo tin bo 'fortenan' caminda bo tin cu supla duro. Tambe bo ta cera conoci cu otro terminologia manera meso-forte, piano y pianissimo. Su amigo Oscar Steba ta bise cu semper ora bo coy un partitura unda ta para tur e cosnan ey, wak pa

bo toca nan manera nan ta. Esey ta duna e musica su balor. Bo mester dedica hopi tempo na musica clasico, pasobra bo tin cu sinta wak cu atencion tur bo señanan manera dalsigno, alcoda, decoda etc. Anto e piesa por cambia di tono tambe. Por ehempel bo ta cuminsa un partitura den 2 mol y mas abouto ta haya bo cu 4 di nan.

**Terminología di musica manera meso-forte, piano y pianissimo, esey ta duna e musica su balor.**

## Desaroyo musical

**Despues di a cuminsa na YMCA, e conhunto a bin forma Orkesta Harmonico**

Nan tabatin e banda pa toca ora di entiero. Anto Donny ta bisa Freddy Martijn wak con un homber trompetista aki, pero bon trompetista a muri, anto ningun hende pa toca algo p'e. Freddy a bisa cu e a dun'e un bon idea. Asina e orkesta funebre a cuminsa. Despues di a cuminsa na YMCA, e conhunto a bin forma Orkesta Harmonico Aruba cu tabata bou direccion di Rosemary Provence. Despues Mario Bislip (en pas descanse) a tum'e over. Ultimamente e

orkesta a keda cu Jaime van der Biezen. Formalmente nan ta cu Jaime ainda. Nan a toca den e brassbandnan. Anto nunca e brassbandnan tabatin un nomber. E tempo ey Etty Toppenberg tabata form'e, hunto cu e mucha ey, Escalona. Nan ta toca den e banda ey. Anto e ta corda nan tabata toca pa e grupo Los Laga Bay. Nan a yega di toca den un grupo di gaita hunto cu Chicho Kock. E kier sa e a toca como 10 aña cu Los Juveniles.



## E parti internacional

Wel, nan a biaha pa Surnam cu e conhunto Sensacion Musical. Ta e unico caminda cu nan a bay. Hopi oferta a bin for di Venezuela un aña nobo. Cu e conhunto di Aruba nan a toca cu Daniel Santos. El a compañía Bienvenido Granda y Orlando Vallejo tambe. Nan a toca cu varios conhunto cu a bin di afo. Den Club Aruba Juniors nan a toca cu e conhunto di señor Rodriguez. Wak pa bo t'ey, pasobra asina e conta 4 nan ta sali. Si bo no t'ey bo ta keda afo. Pero cu hopi disciplina swa. Nan a toca cu Rolando Laserie tambe di Cuba.

## Loke Donny a considera importante

Esunnan mas importante ta e oportunidad cu nan a haya pa compañía e artistanan Cubano cu a bini Aruba cu tur e piesanan Cubano. Donny ta corda a bin un biaha un artista for di Cuba, anto nan a hib'e pa canta cu un conhunto, pero e conhunto ey no por a saca su cuenta cu e musica. Nan tabata ensaya na Aruba Juniors cu Rolando Laserie y nan a bin cune pa scucha nos. Anto Rolando di cu e muchanan aki ta zona hopi bon. E ta puntra si Oscar por tin musica cu e por canta. Casualmente nan tabatin como 4 piesa di dje cu nos a ensaya caba hopi dia pasa. E di cu Oscar anto "echa pa'lante." Ta manera nan a cuminsa toca, e di cu e homber cu e mester, a trec'e cerca e hendenan aki.

## Sugerencia pa futuro generacion

Actualmente tur cos ta costa placa. Hopi di e muchanan aworaki ta siña toca un instrumento, anto mesora nan kier bay toca den un agrupacion cu 'siempre y cuando' mester tin algo pa cubri e gastonan. Tempo cu e a toca cu varios conhunto, esey no tabata den mente. Ma esey tabata 50 aña pasa. Pero awo no por. Semper e ta bisa e hubentud pa aprecia loke bo a siña, anto wak pa bo practic'e. P'esey e ta suplica hubentud pa nan yega na un banda municipal.

